

Uunga siunnersuut:

Avatangiisit innarlitsaaliorneqarnissaanik Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq
(KANUKOKA-p atorunnaarsinneqarnerata malitsigisaanik allanngortitsineq)
(*Pinnngortitamut, Avatangiisinut Ilisimatusarnermullu Naalakkersuisumit saqqummiunneqarpoq*)

Pillugu

Eqqissisimatitsinermut Avatangiisinullu ataatsimiititaliap

Siunnersuutip aappassanneerpeqarnerani

ISUMALIUTISSIISUTAA

Siunnersuummik suliaqarnermi ataatsimiititaliaq ukuninnga inuttaqarpoq:

Inatsisartunut ilaasortaq Jens Danielsen, Siumut, siulittaasoq
Inatsisartunut ilaasortaq Stine Egede, Inuit Ataqatigiit, Siulittaasup tullia
Inatsisartunut ilaasortaq Karl-Kristian Kruse, Siumut sinniisussaq
Inatsisartunut ilaasortaq Mikivsuk Thomassen, Inuit Ataqatigiit
Inatsisartunut ilaasortaq Nivi Olsen, Demokraatit

UKA2018-mi Ulloq 15. oktober 2018 inatsisartunit suliarineqareernerani siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Avatangiisit innarlitsaaliorneqarnissaat pillugu Inatsisartut Inatsisaata siunertaraa pinnngortitaq, avatangiisillu illersorneqarnissaat kiisalu inuiaqatigiinni piujuartitsinissaq tunngavigalugu ineriartortitsinissaq. Suliaqarfiit avatangiisinut sunniisinnaasut maleruagassiorneqarneratigut tamanna pissaaq.

Kalaallit Nunaanni kommunit kattuffiata KANUKOKA-p ulloq 31. juli 2018 atorunnaarsinneqarnerata tamanna kingunerivaa, tassa KANUKOKA avatangiisit Innarlitsaaliorneqarnissaat pillugit Naammagittaalliuuteqartarfimmi ilaasortaasussamik inassuteqarsinnaajunnaarmat. Tamanna tunngavigalugu kommunit ataatsimoorlutik

Avatangiisit Innarlitsaaliorneqarnissaat pillugit Naammagittaalliuuteqartarfimmi ilaasortaasussamik taassumalu sinniisussaanik toqqaasassasut Naalakkersuisut siunnersuuteqarput.

Siorngatigut Avatangiisit Innarlitsaaliorneqarnissaat pillugit Naammagittaalliuuteqartarfik siorngatigut pingasunik ilaasortaqarpoq. Naalakkersuisut siulittaasussamik toqqaasarput sinnerilu marluk KANUKONA-mit toqqaarneqartarlutik. Siunnersuummik allannguinermi Avatangiisit Innarlitsaaliorneqarnissaat pillugit Naammagittaalliuuteqartarfimmi kommunit sunniuteqarnerat ingerlaannarnissaalu qulakkeerneqassaaq. Siunnersuummi matumani siunertarineqarpoq Avatangiisit Innarlitsaaliorneqarnissaat pillugit Naammagittaalliuuteqartarfimmit ilisimasanik misilittakkanillu kommunit tunioraannarneqarnissaat.

2. Siunnersuutip inatsisartunit siullermeerneqarnera.

Siunnersuutip suliarineqarnerani siunnersuut tamakkiisumik tapersersorneqarpoq.

3. Tusarniaanermi akissuteqaatit

Siunnersuut piffissami 11. juni 2018-miit 4. juli 2018-mut tamanut tusarniutigineqarpoq Naalakkersuisullu tusarniaasarnermut nittartagaanniitinneqarsimalluni.

Tusarniaanermi akissutigineqartut siunnersuummut ilanngunneqarsimaput, tamannalu Inatsisartut Siulittaasoqarfiata maleruagassaatut piumasaqaataanut naapertuuppoq.

Siunnersuummut allannguutissamut naatsumik oqaatigineqartut saniatigut ataatsimiititaliaq allamik ilanngussassaqaanngilaq.

4. Ataatsimiititaliap siunnersuummik suliaqarnera

Amerlanerussuteqarneq tunngavigalugu Naammagittaalliuuteqartarfimmi ilaasortaasussamik taassumalu sinniisussaanik kommunit ataatsimoorlutik toqqaasarnissaat ataatsimiititaliamit tapersersorneqarpoq.

Siunnersuummut matumunnga allamik oqaaseqaateqartoqarnissaa ataatsimiititaliamit tunngavissaqartinneqanngilaq.

5. Siunnersuutip aningaasatigut kingunerisassai

Siunnersuutip piviusunngortinneqarnerani kingunissaritinneqartut siunnersuummut oqaaseqaatini allatorneqarsimapput. Tassani allassimavoq siunnersuutip piviusunngortinneqarnerani aningaasatigut kingunissaqartitsisoqanngitsoq.

Eqqissimatitsinermut Avatangiisinullu Ataatsimiititaliaq allatut naliliissalluni tunngavissaqarsimanngilaq.

6. ataatsimiititaliap inassuteqaatai:

Ataatsimiititaliap isumaqatigiittup matumuuna siunnersuut akuerisassanngortippaa.

Taamatut oqaaseqarluni isumaliutissiissummilu allassimasutut paasinnillutik matumuuna siunnersuut ataatsimiititaliap aappassaanniigassanngortippaa.




Stine Egede



Jens Danielsen,
Siulittaasoq



Karl-Kristian Kruse,
sinniisussaq



Mikivuk Thomassen



Nivi Olsen
